

Հավելված  
ՀՀ կառավարության 2017 թվականի  
մարտի 9-ի N 216 - Ն որոշման

## 2017 ԹՎԱԿԱՆԻ ԾՐԱԳԻՐ

ՀԱՅԱՍՏԱՆԻ ՀԱՆՐԱՊԵՏՈՒԹՅՈՒՆՈՒՄ ԳԱՐՆԱՆԱՑԱՆ ՑՈՐԵՆԻ,  
ՀՆԴԿԱՑՈՐԵՆԻ, ՈԼՈՌԻ, ՍԻՍԵՌԻ, ԳԱՐՆԱՆԱՑԱՆ ԳԱՐՈՒ,  
ԵԳԻՊՏԱՑՈՐԵՆԻ, ԱՌՎՈՒՅՏԻ ԵՎ ԿՈՐՆԳԱՆԻ ԱՐՏԱԴՐՈՒԹՅԱՆ  
ԶԱՐԳԱՑՄԱՆ



### I. ՀԱՑԱՀԱՏԻԿԱՅԻՆ, ՀԱՏԻԿԱԸՆԴԵՂԵՆԱՅԻՆ ԵՎ ԿԵՐԱՅԻՆ ՄՇԱԿԱԲՈՒՅՍԵՐԻ ՑԱՆՔԵՐԻ ՈՒ ԲԵՐՔԻ ԱՐՏԱԴՐՈՒԹՅԱՆ ԲՆԱԳԱՎԱՌՈՒՄ ԱՌԿԱ ՎԻՃԱԿԸ

1. Գյուղատնտեսությունը երկրի պարենային ապահովության և անվտանգության ապահովման գլխավոր ոլորտն է: Ընդհանուր ռազմավարության մեջ այն ունի առանցքային դեր, և նպատակային քաղաքականության իրականացման ու առկա ներուժի լիարժեք օգտագործման շնորհիվ հնարավոր է որոշակիորեն լուծել բնագավառում ծագած մի շարք

խնդիրներ:

2. Ագրարային քաղաքականությունը պետք է նպատակատուղվի գյուղատնտեսական ծագում ունեցող արտադրանքի արտադրության ծավալի աճին, ներմուծվող արտադրանքը տեղականով փոխարինելուն, նոր տեխնոլոգիաների կիրառմանը, ինչը պահանջում է պետական աջակցության տարբեր մեխանիզմների կիրառում:

3. Որոշ գյուղատնտեսական մշակաբույսերի արտադրության ծավալներն ապահովում են ինքնաբավության ցածր մակարդակ, և առաջնահերթ խնդիրը դրանց ցանքատարածությունների, արտադրության ծավալների ավելացումն ու ինքնաբավության մակարդակի հետագա բարձրացումն է, մասնավորապես, դա վերաբերում է գարուն, եգիպտացորենին, առվույտին և կորնգանին, ինչը կնպաստի անասնապահության ճյուղի վարման արդյունավետության բարձրացմանը:

4. Քանի որ հանրապետությունում ցածր է ընդդեմային մշակաբույսերի ինքնաբավության մակարդակը, խիստ հրատապ է դրանց արտադրության կազմակերպումը՝ հաշվի առնելով գյուղատնտեսության գոտիականությունը: Ստորև ներկայացվում են Հայաստանի Հանրապետությունում 2015 թվականին հատիկաընդդեմային մշակաբույսերի՝ ցանքատարածքների, միջին բերքատվության և համախառն բերքի, արտերկրից ներմուծված քանակների և ինքնաբավության մակարդակի վերաբերյալ ցուցանիշները՝

Մշակաբույսի անվանումը	Ցանքատարածությունը (հա)	Միջին բերքատվությունը (g/հա)	Համախառն բերքը (հազ. տոննա)	Ներմուծումը (հազ. տոննա)	Ինքնաբավության մակարդակը (տոկոս)
Ոլոռ	157	28.5	4.5	1.4	25
Սիսեռ	25	22.2	0.5	0.3	14.8
Ոսպ	20	25.3	0.5	1.9	2.6

5. Առաջնահերթ խնդիր է սեփական արտադրության հաշվին անասնապահության՝ անասնակերով ապահովվածության մակարդակի բարձրացումը, որը բխում է նաև հանրապետության գյուղատնտեսության ռեսուրսային ներուժի լիարժեք օգտագործման անհրաժեշտությունից:

6. Ստորև ներկայացվում են Հայաստանի Հանրապետության ազգային վիճակագրական ծառայության 2005-2016 թվականների գարնանացան գարու ցանքատարածությունների և 2016 թվականի օպերատիվ տվյալներով միջին բերքատվության ու համախառն բերքի ծավալների վերաբերյալ ցուցանիշները՝

Տարեթիվը	Ցանքատարածությունը (հա)	Միջին բերքատվությունը (g/հա)	Համախառն բերքը (տոննա)
2005 թ.	62404	16.7	103851
2006 թ.	59354	10.1	45792
2007 թ.	62253	25.1	154207
2008 թ.	63745	22.4	142712
2009 թ.	65907	22.0	140553
2010 թ.	57503	20.1	114946
2011 թ.	65306	26.4	172375
2012 թ.	61990	26.2	162290
2013 թ.	61090	29.3	179154
2014 թ.	64464	29.7	191204
2015 թ.	66890	28.6	190399
2016 թ.	68502	30.1	206346
Միջինը	63284	23.9	150319

7. Վերջին տարիներին գարու ցանքատարածությունների ավելացումը և արտադրության ծավալների աճը պայմանավորված են 2011, 2013, 2014, 2015 և 2016 թվականներին իրականացված գարնանացան գարու արտադրության զարգացման հինգ ծրագրով, որոնց շրջանակներում Հայաստանի Հանրապետություն են ներկրվել 7096 տոննա գարնանացան գարու՝ առաջին և «Գյումրիի սելեկցիոն կայան» փակ բաժնետիրական ընկերությունից գնվել է 520 տոննա էլիտային վերարտադրության սերմացուներ:

8. Նախորդ տարիներին արձանագրվել է կերային բազմամյա խոտաբույսերի ցանքատարածությունների աստիճանական նվազում. եթե 1990 թվականին ցանքատարածությունները կազմել են 250 հազ., 1999 թվականին՝ 93,7 հազ., ապա 2000 թվականին կազմել են 61,6 հազ. հեկտար:

9. Գրանցվել է նաև կերային միամյա և բազմամյա մշակաբույսերի բերքատվության էական նվազում: Առավել մտահոգիչ է այն հանգամանքը, որ բազմամյա բակլազգի

խոտաբույսերի (առվույտ, կորնգան) մշակության տարածքների կրճատման հետևանքով հանրապետությունում գրեթե չի իրականացվել ցանքաշրջանառություն, անբարենպաստ պայմաններ են ստեղծվել վարելահողերի բերրիության համար. իջել է միավոր տարածքից ստացվող բերքի մակարդակը, նվազել են սպիտակուցների արտադրության ծավալները:

10. Սկսած 2011 թվականից՝ գրանցվել է կերային բազմամյա մշակաբույսերի ցանքատարածությունների աճ, այսպես՝ 2012 և 2013 թվականներին, համաձայն Հայաստանի Հանրապետության ազգային վիճակագրական ծառայության կողմից հրապարակված տվյալների, դրանք համապատասխանաբար կազմել են 66925 և 74757 հեկտար, 2014 թվականին՝ 77109 հեկտար, 2015 թվականին՝ 80229 հեկտար, իսկ 2016 թվականի օպերատիվ տվյալներով՝ 85645 հեկտար:

11. Հանրապետությունում ցածր է հնդկացորենի ինքնաբավության մակարդակը, և նախադրյալներ են ստեղծվել հնդկացորենի արտադրության զարգացման ու ինքնաբավության մակարդակի էական բարձրացման համար: Հայաստանի Հանրապետության Արագածոտնի, Գեղարքունիքի, Կոտայքի, Լոռու և Շիրակի մարզերի 34 համայնքում Եվրոպական հարևանության գյուղատնտեսության և գյուղական համայնքների զարգացման ծրագրի (ENPARD) շրջանակներում 2016 թվականին գյուղացիական կոոպերատիվների կողմից իրականացվել է հնդկացորենի արտադրություն՝ կատարվել է 511 հեկտարի ցանք, արտադրվել է 615.3 տոննա հնդկացորեն, միջին բերքատվությունը՝ 12 ց/հա: 2017 թվականին նախատեսվում է ծրագրի շրջանակներում ցանքային տարածությունները հասցնել մինչև 1200 հեկտարի, ինչպես նաև՝ մեկ վերամշակման գործարան կառուցել Հայաստանի Հանրապետության Սյունիքի մարզում: Հայաստանի Հանրապետության Շիրակի մարզում ավարտին են մոտենում, իսկ Գեղարքունիքի մարզում ավարտվել են հնդկացորենի վերամշակման գործարանների շինարարական աշխատանքները, որը կնպաստի հնդկացորենի արտադրության ծավալների ավելացմանը:

12. Շուկայական հարաբերությունների պայմաններում խաթարվել է սերմնաբուծության համակարգը, նախկինում գործող ավելի քան երեք տասնյակ մասնագիտացված պետական սերմնաբուծական տնտեսությունների փոխարեն ներկայումս հանրապետությունում գործում է հացահատիկի և կերային մշակաբույսերի սերմերի արտադրության գծով 2 գիտական ընկերություն՝ «Գյումրիի սելեկցիոն կայան» փակ բաժնետիրական ընկերությունն ու «Երկրագործության և բույսերի պաշտպանության գիտական կենտրոն» պետական ոչ առևտրային կազմակերպությունը, որոնք լիովին ապահովված չեն անհրաժեշտ տեխնիկայով ու սարքավորումներով, կարիք ունեն հողերի և ոռոգման համակարգի բարելավման, հողատարածքների ընդարձակման:

13. Հանրապետությունում սերմնաբուծությամբ զբաղվում են նաև մասնավոր տնտեսավարողներ և սերմնաբուծական միություններ՝ «Սյունիքի սերմնաարտադրողների միություն» հասարակական կազմակերպությունը և «Արմենիան Թեքնոլոջի Գրուփ» հիմնադրամը: Նշված պետական և մասնավոր կազմակերպությունների կողմից, սակայն, արտադրվում է բարձր վերարտադրության սերմացուի պահանջարկի մինչև 3 տոկոսը:

14. Հանրապետությունում կազմակերպվում են նաև ԻԿԱՐԴԱ-ի, ՍԻՄԻՏ-ի (ICARDA, SIMIT), ինչպես նաև Ռուսաստանի Դաշնության, Ուկրաինայի, Իրանի Իսլամական Հանրապետության և այլ երկրների հավաքածուներում ընդգրկված և շրջանացված հացահատիկային մշակաբույսերի սորտերի փորձարկումներ:

15. Բուսաբուծության բնագավառի ուսումնասիրությունները և վերլուծությունները ցույց են տալիս, որ՝

1) զգացվում է հացահատիկային, հատիկարնդեղենային և կերային մշակաբույսերի բարձր վերարտադրություն ու բերքատվություն ապահովող սերմացուների պահանջարկ.

2) անջրդի պայմաններում ցածր եկամուտ է ստացվում հատկապես հացահատիկային և կերային մշակաբույսերից.

3) Հայաստանի Հանրապետության կառավարության կողմից հողօգտագործողներին հատկացվող պետական աջակցության ծրագրերը կնպաստեն տնտեսական չնչնակված վարելահողերի՝ շրջանառության մեջ ներգրավմանը, գյուղատնտեսական մշակաբույսերի ագրոտեխնիկական միջոցառումների բարելավմանը, ցանքատարածությունների, համախառն բերքի, գյուղացիական տնտեսությունների եկամուտների ավելացմանը և տնտեսական աճի ապահովմանը:

## II. ԾՐԱԳՐԻ ՆՊԱՏԱԿԸ ԵՎ ԽՆԴԻՐՆԵՐԸ

### 16. Ծրագրի նպատակներն են՝

1) հացահատիկային, հատիկաընդեղենային և կերային մշակաբույսերի բերքի ինքնաբավության մակարդակի բարձրացումը, սպառման համար անհրաժեշտ ներկրվող քանակի նվազեցումը.

2) արտադրողների և վերամշակողների միջև պայմանագրային հարաբերությունների ձևավորումը, արտադրման, վերամշակման և սպառման արժեչղթայի զարգացումը.

3) Հայաստանի Հանրապետությունում ցանքաշրջանառությունների կիրառմամբ զարնանացան ցորենի, հնդկացորենի, ոլոռի, սիսեռի, ոսպի, գարու, եգիպտացորենի, առվույտի և կորնզանի ցանքատարածությունների ու համախառն բերքի ծավալների և գյուղատնտեսությամբ զբաղվող տնտեսավարող սուբյեկտների եկամուտների ավելացումը.

4) տարեկան մշակովի հողերի տարածքի ավելացումը, ագրոտեխնիկական միջոցառումների ժամանակին կատարումը, ցանքաշրջանառության ապահովումը, բարձր ծրնակությամբ սերմացուների օգտագործումը, ցանքի նորմաների պահպանումը:

### 17. Ծրագրի խնդիրներն են՝

1) արտերկրից 200 տոննա առաջին վերարտադրության զարնանացան ցորենի, 13 տոննա հնդկացորենի, 7 տոննա ոլոռի, 5 տոննա սիսեռի, 1000 տոննա առաջին վերարտադրության զարնանացան գարու, 5 տոննա եգիպտացորենի, 10 տոննա առվույտի և 240 տոննա

կորնգանի սերմացուների ներկրումն ու տեղական սերմնարտադրողից («Գյումրիի սելեկցիոն կայան» փակ բաժնետիրական ընկերություն) 230 տոննա գարնանացան գարու էլիտային վերարտադրության սերմացուի գնումը և դրանք՝ սույն ծրագրի դրույթներին համապատասխան սուբսիդավորված գներով Հայաստանի Հանրապետության հողօգտագործողներին հատկացնելը.

2) Հայաստանի Հանրապետության մարզպետարանների կողմից 2015 և 2016 թվականների գարնանացանի համար ներկրված, սակայն հողօգտագործողների կողմից վճարունակ պահանջարկի բացակայության պատճառով չիրացված և Հայաստանի Հանրապետության գյուղատնտեսության նախարարության «Սերմերի գործակալություն» պետական ոչ առևտրային կազմակերպության կողմից պահեստավորված 13.75 տոննա առաջին վերարտադրության գարնանացան գարու և 7.511 տոննա առվույտի սերմացուի բաշխումը:

### III. ԾՐԱԳՐԻ ՇՐՋԱՆԱԿՆԵՐՈՒՄ ԻՐԱԿԱՆԱՑՎՈՂ ՄԻՋՈՑԱՌՈՒՄՆԵՐԸ

#### 18. Նախատեսվում է՝

1) 2017 թվականի գարնանն արտերկրից ներմուծել 1480 տոննա գարնանացան ցորենի, հնդկացորենի, ոլոռի, սիսեռի, գարնանացան գարու, եգիպտացորենի, առվույտի և կորնգանի առաջին վերարտադրության սերմացուներ.

2) «Գյումրիի սելեկցիոն կայան» փակ բաժնետիրական ընկերությունից գնել 230 տոննա գարնանացան գարու էլիտային վերարտադրության սերմացու:

19. Արտերկրից ներմուծված և «Գյումրիի սելեկցիոն կայան» փակ բաժնետիրական ընկերությունից գնված սերմացուի մեկ կիլոգրամը հողօգտագործողներին պետական աջակցություն ցուցաբերելու նպատակով հատկացվում է պետության կողմից ձեռք բերված արժեքից ավելի ցածր գներով՝

Գարնանացան ցորեն	150 դրամ
Հնդկացորեն	500 դրամ
Ոլոռ	300 դրամ
Սիսեռ	500 դրամ
Գարնանացան գարի	130 դրամ
Եգիպտացորեն	350 դրամ
Առվույտ	1500 դրամ
Կորնզան	370 դրամ

20. Համայնքների կողմից սերմացուների դիմաց նախապես հավաքագրված գումարները փոխանցվում են «Սերմերի գործակալություն» պետական ոչ առևտրային կազմակերպության՝ «Կոնվերս Բանկ» փակ բաժնետիրական ընկերությունում բացված 1930005627050300 նպատակային հաշվեհամարին՝ պարտադիր նշելով սերմացուների տեսակները, քանակները, համայնքները և շահառուների անունները:

21. «Սերմերի գործակալություն» պետական ոչ առևտրային կազմակերպությունը Հայաստանի Հանրապետության մարզերում սերմացուները հատկացնում է համայնքներին, որոնք ապահովում են սերմացուների բեռնաթափումը:

22. Համաձայն N 1 ձևի՝ համայնքների ղեկավարները սերմացուների բաշխումն ավարտելուց հետո 30-օրյա ժամկետում՝ սահմանված կարգով հաշվետվությունները ներկայացնում են մարզպետարան: Հայաստանի Հանրապետության մարզպետները N 2 ձևը հաստատելուց հետո սերմ ժամկետում այն ներկայացնում են Հայաստանի Հանրապետության գյուղատնտեսության նախարարություն:

23. Համայնքների ղեկավարները սերմացուները տրամադրում են նախապես վճարում կատարած շահառուներին:

24. Գարնանացան սերմացուն հատկացվում է 1-3 հեկտար հողատարածք ունեցող տնտեսավարողներին:



25. Գարնանացան սերմացուները շահառուներին կհատկացվեն միայն նախապես վճարելու պայմանով՝ նախապատվությունը տալով գյուղատնտեսական կոոպերատիվներին, ոչ իրավաբանական կարգավիճակ ունեցող գյուղացիական միավորումներին (միավորման շրջանակը պետք է արտացոլված լինի պայմանագրային փոխհարաբերությամբ)՝ փաստացի հողօգտագործման համաձայն, անասնապահությամբ զբաղվող և Հայաստանի Հանրապետության տավարաբուծության զարգացման ծրագրում ընդգրկված տնտեսավարողներին:

26. Հայաստանի Հանրապետության մարզպետները համայնքների ղեկավարների միջոցով ապահովում են յուրաքանչյուր մշակաբույսի համար N 1 ձևով նախատեսված տեղեկատվության հավաքագրումը և փաստաթղթերի պահպանությունը՝ տեղեկատվության տիրապետելու նպատակով:

IV. ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՄԱՐԶԵՐԻՆ ՏՐԱՄԱԴՐՎՈՂ ԳԱՐՆԱՆԱՑԱՆ ՑՈՐԵՆԻ, ՀՆԴԿԱՑՈՐԵՆԻ, ՈԼՈՌԻ, ՍԻՍԵՌԻ, ԳԱՐՆԱՆԱՑԱՆ ԳԱՐՈՒ, ԵԳԻՊՏԱՑՈՐԵՆԻ, ԱՌՎՈՒՅՏԻ ԵՎ ԿՈՐՆԳԱՆԻ ՍԵՐՄԱՑՈՒՆԵՐԻ ՔԱՆԱԿՈՒԹՅՈՒՆԸ ԵՎ ՑԱՆՔԻ ՆՈՐՄԱՆ

27. Ստորև ներկայացվում են Հայաստանի Հանրապետության մարզերին գարնանացան ցորենի, հնդկացորենի, ոլոռի, սիսեռի, գարնանացան գարու, եգիպտացորենի, առվույտի և կորնգանի սերմացուների նախատեսված քանակությունները (համաձայն Հայաստանի Հանրապետության մարզպետարանների կողմից ներկայացված վերջնական վճարունակ պահանջարկի)՝

NN ը/կ	Մարզի անվանումը	Հատկացվող սերմացուների քանակը (տոննա)							
		գարնանա- ցան ցորեն	հնդկա- ցորեն	ոլոռ	սիսեռ	գարնանա- ցան գարի	եգիպտա- ցորեն	առվույտ	կորնգան
1.	Արագածոտն	30	0.5	-	1	280	1	4	60
2.	Արարատ	9	-	-	-	22.4	0.5	1.6	-
3.	Արմավիր	-	-	-	-	20	-	-	-
4.	Գեղարքունիք	60	10.75	6.1	2.5	192.9	1	9.7	40
5.	Լոռի	-	-	-	-	100	1.5	-	40
6.	Կոտայք	10	0.5	-	0.5	145	-	0.8	32
7.	Շիրակ	10	-	-	-	280	-	-	63
8.	Սյունիք	50	-	-	-	100	-	-	-
9.	Վայոց ձոր	28	0.65	0.7	1	80	-	1.4	5
10.	Տավուշ	3	0.6	0.2	-	9.7	1	-	-
Ընդամենը		200	13	7	5	1230	5	17.5	240

28. Մեկ հեկտար ցանքի նորման սահմանվում է հետևյալ չափաքանակներով՝

Գարնանացան ցորեն	250 կգ
Հնդկացորեն	100 կգ
Ոլոռ	140 կգ
Սիսեռ	130 կգ
Գարնանացան գարի	200 կգ
Եգիպտացորեն	25 կգ
Առվույտ	25 կգ
Կորնզան	150 կգ

V. ՉԻՐԱՑՎԱԾ ԳԱՐՆԱՆԱՑԱՆ ՑՈՐԵՆԻ, ՀՆԴԿԱՑՈՐԵՆԻ, ՈԼՈՌԻ, ՍԻՍԵՌԻ, ԳԱՐՆԱՆԱՑԱՆ ԳԱՐՈՒ, ԵԳԻՊՏԱՑՈՐԵՆԻ, ԱՌՎՈՒՅՏԻ ԵՎ ԿՈՐՆԳԱՆԻ ՍԵՐՄԱՑՈՒՆԵՐԻ ՊԱՀՊԱՆՈՒԹՅԱՆ ՊԱՏԱՍԽԱՆԱՏՎՈՒԹՅՈՒՆԸ

29. Հայաստանի Հանրապետության մարզերին նախատեսված, սակայն հողօգտագործողների կողմից վճարունակ պահանջարկի բացակայության պատճառով չիրացված գարնանացան ցորենի, հնդկացորենի, ոլոռի, սիսեռի, գարնանացան գարու, եգիպտացորենի, առվույտի և կորնզանի սերմացուների հետագա պահպանության և դրանց իրացման աշխատանքների պատասխանատվությունը վերապահվում է Հայաստանի Հանրապետության գյուղատնտեսության նախարարության «Սերմերի գործակալություն» պետական ոչ առևտրային կազմակերպությանը՝ 2018 թվականի գարնանը հողօգտագործողներին սույն ծրագրի դրույթներին համապատասխան հատկացնելու նպատակով:

VI. ԾՐԱԳՐԻ ԻՐԱԿԱՆԱՑՄԱՆ ԸՆԹԱՑՔԻ ՎԵՐԱՀՄԿՈՂՈՒԹՅՈՒՆԸ, ՀՄԿՈՂՈՒԹՅՈՒՆԸ ԵՎ ՄՈՆԻԹՈՐԻՆԳԸ

30. Ծրագրի իրականացման ընթացքի վերահսկողությունն ու մոնիթորինգն իրականացնում է Հայաստանի Հանրապետության գյուղատնտեսության նախարարությունը, իսկ հսկողությունը՝ համապատասխան մարզպետարանները:

## VII. ԾՐԱԳՐԻ ԻՐԱԿԱՆԱՑՈՒՄԻՑ ԱԿՆԿԱԼՎՈՂ ԱՐԴՅՈՒՆՔՆԵՐԸ

31. Ծրագրի իրականացումից ակնկալվող արդյունքներն են՝

1) պետական նպատակային աջակցության մեխանիզմների կիրառմամբ հողային ռեսուրսների արդյունավետ օգտագործման նախադրյալների ստեղծումը.

2) ներդրումների մատչելիության միջոցով արտադրության արդյունավետության բարձրացման հնարավորությունների ստեղծումը, ցանքաշրջանատության կիրառումը.

3) ագրոպարենային ոլորտում աշխատատեղերի պահպանումը և նոր աշխատատեղերի ստեղծումը.

4) երկրի ագրոպարենային համակարգի կայուն վիճակի ձևավորման նախադրյալների ստեղծումը.

5) ցանքատարածությունների և համախառն բերքի ծավալների ավելացումը, գյուղացիական տնտեսությունների եկամուտների բարձրացումը, տնտեսական աճի ապահովումը:

## VIII. ԱՌԱՋԱՐԿՈՒԹՅՈՒՆՆԵՐԸ

32. Ծրագրի իրականացման ընթացքում հողօգտագործողներին հատկացված սերմացուների դիմաց վճարված գումարները նպատակաուղղել հացահատիկային, հատիկաընդեղենային և կերային մշակաբույսերի ցանքատարածությունների ընդլայնմանն ու արտադրության ծավալների ավելացմանը:

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ  
ԿԱՌԱՎԱՐՈՒԹՅԱՆ ԱՇԽԱՏԱԿԱԶՄԻ  
ՂԵԿԱՎԱՐ-ՆԱԽԱՐԱՐ

Դ. ՀԱՐՈՒԹՅՈՒՆՅԱՆ

Ց Ա Ն Կ

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ -----ՄԱՐԶԻ -----

ՀԱՄԱՅՆՔԻ ՍԵՐՄԱՑՈՒ ՍՏԱՑՈՂՆԵՐԻ

NN ը/կ	Անունը, ազգանունը	Անձնագիրը		Տրամադրված սերմացուի քանակը (կգ)	Կատարված փաստացի ցանքը (հա)	Ստորագրությունը
		համարը	տրված՝ օրը, ում կողմից			
1.						
2.						
3.						
4.						
5.						
6.						
7.						
Ընդամենը		x	x			x

ՀԱՄԱՅՆՔԻ ԴԵԿԱՎԱՐ

\_\_\_\_\_ (ստորագրությունը)

\_\_\_\_\_ (անունը, ազգանունը)

Կ. Տ.

\_\_\_\_\_ 20 թ.

ՀԱՍՏԱՏՈՒՄ ԵՄ՝

ՀՀ \_\_\_\_\_ մարզպետ  
 \_\_\_\_\_  
 \_\_\_\_\_ 20 թ.

Բ Ա Շ Խ Ա Ց ՈՒ Ց Ա Կ

ՀԱՅԱՍՏԱՆԻ ՀԱՆՐԱՊԵՏՈՒԹՅՈՒՆՈՒՄ ԳԱՐՆԱՆԱՑԱՆ ՑՈՐԵՆԻ, ՀՆԴԿԱՑՈՐԵՆԻ, ՈԼՈՒԻ, ՄԻՍԵՆԻ, ԳԱՐՆԱՆԱՑԱՆ ԳԱՐՈՒ, ԵԳԻՊՏԱՑՈՐԵՆԻ, ԱՌՎՈՒՅՏԻ ԵՎ ԿՈՐՆԳԱՆԻ ԱՐՏԱԴՐՈՒԹՅԱՆ ԶԱՐԳԱՑՄԱՆ 2017 ԹՎԱԿԱՆԻ ԾՐԱԳՐԻ ՇՐՋԱՆԱԿՆԵՐՈՒՄ ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ \_\_\_\_\_ ՄԱՐԶԻ ՀԱՄԱՅՆՔՆԵՐԻ ՀՈՂՕԳՏԱԳՈՐԾՈՂՆԵՐԻՆ ՀԱՏԿԱՑՎԱԾ \_\_\_\_\_ ՍԵՐՄԱՑՈՒՆԵՐԻ

NN ը/կ	Համայնքը	Համայնքի ղեկավարի անունը, ազգանունը	Համայնքին փաստացի հատկացված սերմացուի քանակը (տոննա)	Կատարված փաստացի ցանքը (հա)	Սերմացու ստացող շահառուների թիվը	Համայնքի ղեկավարի ստորագրու- թյունը
	Ընդամենը					

ՄԱՐԶՊԵՏԱՐԱՆԻ ԳՅՈՒՂԱՏՆՏԵՍՈՒԹՅԱՆ  
 ԵՎ ԲՆԱՊԱՀՊԱՆՈՒԹՅԱՆ ՎԱՐՉՈՒԹՅԱՆ  
 ՊԵՏ

\_\_\_\_\_ (ստորագրությունը) \_\_\_\_\_ (անունը, ազգանունը)